

Na osnovu člana 23. stav b. Ustava Bosansko – podrinjskog kantona Goražde („Službene novine Bosansko- podrinjskog kantona Goražde“, broj: 8/98, 10/00 i 5/03) Skupština Bosansko- podrinjskog kantona Goražde d o n o s i:

Z A K O N

o Izmjenama i dopunama Zakona o Predškolskom odgoju i obrazovanju Bosansko-podrinjskog kantona Goražde

Član 1.

U Zakonu o predškolskom odgoju i obrazovanju Bosansko-podrinjskog kantona Goražde („Službene novine Bosansko-podrinjskog kantona Goražde“ broj:15/09) u članu 19. stav 1. tačka 1. riječi „ najmanje dvije“ zamjenjuje se riječima „ minimalno jedne“.

Član 2.

U članu 33. stav 1. iza tačke f) dodaje se tačka g) koja glasi:
„ g) kraći program“

Stav 2. mijenja se i glasi:

„ 2. Programe iz stava 1. tačke a), c), d), e) i f) donosi Ministar , a programe iz tačke b) i g) donosi predškolska ustanova uz saglasnost Ministra.“

Član 3.

U članu 47. stavovi 1. , 2. i 3. mijenjaju se i glase:

Odgajatelj u predškolskoj ustanovi je lice koje realizira cjeloviti program i druge programe iz oblasti predškolskog odgoja i obrazovanja i kojem je prvenstveni zadatak odgoj i obrazovanje djece. Realizaciju programa u predškolskim ustanovama izvode lica sa završenim VII stepenom stručne spreme kao i lica sa završenim I ili II, odnosno III ciklusom bolonjskog visokoobrazovnog procesa predškolskog smjera.

Stručni saradnici u predškolskim ustanovama (pedagozi, psiholozi, specijalni pedagozi, socijalni radnici, defektolozi, ljekari) su lica sa završenim VII stepenom stručne spreme kao i lica sa završenim I ili II, odnosno III ciklusom bolonjskog visokoobrazovnog procesa odgovarajućeg smjera.

Njegu i brigu o zaštiti i unaprijeđenju zdravlja djece u dobi od šest mjeseci do polaska u školu realiziraju medicinski radnici sa završenim VI stepenom stručne spreme odnosno završenim I ciklusom bolonjskog visokoobrazovnog procesa odgovarajućeg smjera.

Član 4.

U članu 49. stav 1. mijenja se glasi:

Odgajatelji, stručni saradnici i saradnici koji prvi put zasnivaju radni odnos u predškolskoj ustanovi, obavezni su nakon devet mjeseci a prije isteka druge godine neposrednog odgojno-obrazovnog rada, položiti stručni ispit.

Član 5.

Član 57. mijenja se i glasi:

Direktor

Predškolskom ustanovom rukovodi direktor, koji se imenuje na period od četiri godine i može biti ponovo imenovan.

Za direktora predškolske ustanove može biti imenovano lice koje osim općih uslova, ima najmanje VII stepen stručne spreme odnosno II ili III ciklus bolonjskog visokoobrazovnog procesa i ispunjava uslove za odgajatelja ili pedagoga.

Lice koje se imenuje za direktora predškolske ustanove mora imati najmanje 5 godina radnog iskustva nakon sticanja odgovarajuće stručne spreme, a naročito se ističe svojim radom u organizaciji odgojno-obrazovne djelatnosti, pedagoškoj teoriji i praksi i ima položen stručni ispit za obavljanje odgojno-obrazovnog rada.

Direktora privatne predškolske ustanove bira i imenuje osnivač.

Član 6.

U članu 63. iza stava 3. dodaje se stav 4. i glasi:

„Osnivač svojom odlukom utvrđuje cijenu naknade za ishranu i boravak djece u predškolskoj ustanovi ili nekom drugom obliku organizovanja predškolskog odgoja i obrazovanja“.

Član 7.

U članu 78. tačka 3. riječi „20 godina“ zamjenjuje se riječima „15 godina“.

Član 8.

Ovaj zakon stupa na snagu osmog dana od dana objavljivanja u “Službenim novinama Bosansko-podrinjskog kantona Goražde”

**Skupština Bosansko- podrinjskog
Kantona Goražde** _____
Broj: _____/14
Goražde: _____/14

Predsjedavajući Skupštine
Suad Došlo